



Nianca le Valdaora ne era jüda da storje. I ladins é ma bugn da remunté in pert le svantaje pesoch.

En aversar asvelt da capí y anuzé les dijatenziuns dla formaziun da La Val por castighé a dovëi. Insciö era stada l'ultim fin dl'edema a Valdaora daulache i padruns de ciasa mët trëi iadi le palé te porta. Al La Val ti mancia spo le tēmp de remunté le resultat, ince sce an ti foss prēsc stà.

Bele al 7^a toma le pröm gol dla dumënia, defora dal limit dl'area fej pié ia l'atacant dl Valdaora na trata sēcia che rōia de pūch sot la stangia ite te porta. La Val se descēda tosc y fej le jūch. Dal limit controlēia Stefan le palé y imped trá passa chēsc le palé a Daniel F. da na pert che pro la crossada, indere architada sō dala defenjiun. Pūch do al 20^a pēia ia Alex da na pert ite cuntra porta y pro le palonēt, le palé devié rimbalzēia dui iadi sōn la stangia de porta por jí fora. Ala mesora se fej le Valdaora prigorius, naota cun na trata a bót sigü che rebat cuntra la stangia de porta, pūch dô na trata dl'atacant sú dan porta che rōia indere ince dlungia ia. Al 41^a anuzēia i aversars na dijatenziun dla defenjiun por tra le palé sōn porta, en sogadú da La Val ó tra demez le curan mo te n cajn rōia le palé te porta por le dopl vantaje. Dal'atra pert pro ciamó Christian cun le ciamp de indirizé na bela trata tl'incrujiada de porta che ti garetia ince, le portier é indere

reatif y deloj te ciantun.

Le secundo tēmp mēt man atira cun l'arbitrer che ti mostra le cherta cōcena a Michele C., sōn na passaja filtranta rōia l'atacant sū dan area, Michele mēt le pé amesa les giames dl'avarsar cun la consequēnza dla desgorta dal ciamp. La trata de puniziun rebatūda rōia da na pert fora y l'atacant pro ciamó da crossé amez, le palé antizipé da Sepl ti sciampa fora dles mans y Steinmair Dominik dl Valdaora á ma plö bria de apogé te porta. Ince sce ma plö in diesc te ciamp ne mola nia i ladins y rōia a segné le prüm gol sōn na crossada al 74[^]: Stefan controlëia le palé y tira bass dlungia le portier ite. Al 84[^] é Alex al limit che interzetëia na ripartēnza y vega na trata sterscia tl set de porta, le portier ne é nia bun de ruvé a paré. I ultims menüc ne basta nia por ruvé a avalié le resultat y cun tripl sciür fej le mandl fosch ruvé la partida. Dessená cun sé instēsc lascia i ladins le ciamp cun la saú antia de na partida sciurada ia.

Valdaora – La Val 3-2

Formaziun La Val: 1. Sepl Kantioler, 2. Christian Terza, 3. Michele Campeï, 4. Marco Castlunger, 5. Paolo Vallazza (al 70[^] Egon Frenes), 6. Christian Dapoz, 7. Max Nagler (al 80[^] Felix Nagler), 8. Franz Tolpeit, 9. Alex Elzenbaumer, 10. Stefan Sottara – capitan, 11. Daniel Frenes (al 60[^] Michael Frenes)

Goi La Val: Stefan Sottara al 74[^] y Alex Elzenbaumer al 84[^]

Proscima partida: La Val süga en duman sabeda dales 14:30 a La Val cuntra le Hochpustertal

Atri resultac:

Juniores Pool (La Val): La Val – Feldthurns 1-3

U-13 (La Val): La Val – Kronteam 1-8